

《華嚴經普賢行願品》 補充講表

◎附表十六：糅合《普賢行願品親聞記》

○所有十方世界中，三世一切人師子，我以清淨身語意：一身復現剎塵身，一一遍禮剎塵佛。

◆人師子：是佛的稱號，為人中最勇雄，猶如獅子也。《大智度論》卷八云：「佛名人師子。」指出佛的智慧高超、慈悲高超、行願高超，沒有人能夠比得上。

◆初二句，頌所禮敬之諸佛，豎窮橫遍也。「所有」乃心中所有，亦即法界所有，心即法界故。心包太虛，大而無外，三世十方佛，皆在心中。第三句能禮相也。我乃普賢真我、揀非眾生爭人我之虛妄我。真我大公無私愈用愈廣大，真妄皆在一心公私之轉變，心無私，即清淨意。以率身口亦皆清淨矣。第四句能所周遍。「一切遍禮盡無餘」，即一身遍禮多佛也。十方三世佛，同共一法身；一身禮一佛，即成一身禮多佛。第五句能遍因。普賢行是智慧行，行遍法界，故能禮法界所有之佛。後三句別顯禮相，謂多身禮多佛。

○於一塵中塵數佛，各處菩薩眾會中：盡於未來一切劫，讚佛甚深功德海。

◆初四句所讚，次四句能讚。初句「塵數佛」者，即無盡佛也。次句無盡塵，一一塵中亦有無盡佛。「深信」即能讚因也。有深信之智，始信塵塵之中皆有塵數佛「充滿」、而為所讚。各各佛前，以無盡音聲稱讚之。無盡聲者，三世間所有聲也。如象聲、馬聲、車聲、風聲、雨聲、說法聲，皆以智轉為稱讚如來之聲，一一聲又出無盡妙言辭。

○以諸最勝妙華鬘，伎樂塗香及傘蓋……悉以普賢行願力，普遍供養諸如來。

※《占察善惡業報經》卷上云：「又念十方一切供具，無時不有；我今當以十方所有一切種

種香華瓔珞，幢幡寶蓋，諸珍妙飾，種種音樂，燈明燭火，飲食衣服，臥具湯藥，乃至盡十方所有一切種種莊嚴供養之具。憶想遙擬，普共眾生奉獻供養。常念一切世界中有修供養者，我今隨喜。若未修供養者，願得開導，令修供養。」

※《占察善惡業報經義疏》卷上云：「問：十方供具，各有所屬，若實用之，寧不犯盜？

若不實用，何名供養？答：若約圓宗，則十方供具，並我一念心中所現之物。若約唯識，則是第八識上共相識種所變器界相分，今還用我自識相分，何名犯盜？如是了達唯識而修供養，即名真實法供。何名不實？若依真諦，則雖手執香華翹勤施供，亦豈有實用耶？夫心念五逆，雖不動身發口，亦必有罪；心念供養，雖不燒香散華，亦豈無福！況令於一念中想用十方供具，便可破我法二執，顯同體慈悲，又不止於迷情空想而已，思之！修之！」

○頌懺悔業障

※《占察善惡業報經義疏》卷上云：「業性雖空，果報不失，故須熏習懺悔善力，令彼惡種

展轉微弱，更不增長；方堪修習禪慧，不遭邪慮也。」

○我昔所造諸惡業，皆由無始貪瞋癡，從身語意之所生，一切我今皆懺悔。

※《佛遺教經》云：「此五根者，心為其主，是故汝等當好制心。心之可畏，甚於毒蛇、

惡獸、怨賊、大火越逸，未足喻也。譬如有人，手執蜜器，動轉輕躁，但觀於蜜，不見深院。譬如狂象無鈎，猿猴得樹，騰躍踔躑，難可禁制。當急挫之，無令放逸。

縱此心者，喪人善事；制之一處，無事不辦。是故比丘，當勤精進，折伏汝心。」

○十方一切諸眾生，二乘有學及無學，一切如來與菩薩，所有功德皆隨喜。

※《占察善惡業報經義疏》卷上云：「若能隨喜，則知諸佛菩薩所修善根，本與一切眾生

共之。我原有分，非俟強求。故《大佛頂經》云：【十方如來所有功德，悉與

此人，常與諸佛同生一處。無量功德，如惡叉聚，同處熏修，永無分散】。又

經言：【菩薩若知諸佛所有功德，即是己功德者，是為奇特之法】。又經言：

【與一切菩薩同一善根藏】。又《大乘止觀》云：【行者當知諸佛菩薩、二乘

聖人、凡夫人天等所作功德，皆是己之功德】，是故應當隨喜。噫！可以悟矣。」

○十方所有世間燈，最初成就菩提者，我今一切皆勸請，轉於無上妙法輪。

◆世間燈，乃佛之代名詞。佛出現於世，如大明燈，照破眾生無明黑闇。佛法喻車輪，轉之則摧碎一切煩惱；運載一切眾生，出生死此岸，至涅槃彼岸也。妙法者，心法也；心能造四聖，又能造六凡。隨緣不變，不變隨緣曰：妙。

※《占察善惡業報經義疏》卷上云：「勸請能滅魔障，故亦名悔。魔王波旬，於坐道場菩

薩，每欲障，令不得成道；於佛轉法輪時，每欲興心破壞；又每請佛速入涅槃。今勸請成道，勸久住世，勸轉法輪，即翻破彼三種惡也。」

○諸佛若欲示涅槃，我悉至誠而勸請，唯願久住剎塵劫，利樂一切諸眾生。

※《普賢行願品隨聞記》：「示者示現，可知不同世人命終；但是緣盡入滅，他方成佛去

也。昔南嶽思大師將入滅，謂眾人曰：【若有十人不惜身命，常修法華般若念佛三昧方等懺悔，常坐苦行者，隨有所須，吾自供給，必相利益；如無此人，吾當遠去。苦行事難，竟無答者，入滅，是緣盡示寂之相。」

○所有禮讚供養福，請佛住世轉法輪，隨喜懺悔諸善根，迴向眾生及佛道。

※《普賢行願品隨聞記》：「禮指第一禮敬諸佛，讚指第二稱讚如來，供指第三廣修供養，

請佛住世是第七願，轉法輪是第六願，隨喜是第五願，懺悔是第四願，回向是第十願。科文云：合頌後三者，以後三皆回向故；八九是回向別義，八是向菩提，九是向眾生。故此四句偈，即顯一願中便含十願，用示化化無盡之理。」

◆經文未說迴向真如實際者，因眾生及佛，皆不離真如實際故。

○我隨一切如來學，修習普賢圓滿行……我願普隨三世學，速得成就大菩提。

◆常隨佛學，即迴向菩提，願自他俱成佛故。普賢行，一行即一切行，即稱法性遍法界之行，故曰：圓滿行。佛因地曾供養諸佛，故供佛即是學佛。廣說則禮敬乃至普皆迴向，皆是學佛，佛行普賢行而成佛故。意樂圓滿，亦通自他。通自，即普賢自心中好樂圓滿，通他，則圓滿三世諸佛心中之好樂。佛好樂利益眾生，故如說修行，攝受眾生，代眾生苦，不捨菩薩業，不離菩提心，皆是利益眾生，亦即是隨佛心好樂而行之，而供養之。